

Ғарышкерлікке кандидаттарды іріктеу және ғарышкерлікке кандидат, ғарышкер мәртебесін беру қағидаларын бекіту туралы

Күшін жойған

Қазақстан Республикасы Үкіметінің 2012 жылғы 20 сәуірдегі № 502 Қаулысы.
Күші жойылды - Қазақстан Республикасы Үкіметінің 2015 жылғы 20 тамыздағы
№ 649 қаулысымен

Ескерту. Күші жойылды - ҚР Үкіметінің 20.08.2015 № 649 қаулысымен (алғашқы ресми жарияланған күнінен бастап қолданысқа енгізіледі).

БАСПАСӨЗ РЕЛИЗИ

«Ғарыш қызметі туралы» Қазақстан Республикасының 2012 жылғы 6 қаңтардағы Заңының 8-бабының 4) тармақшасына сәйкес Қазақстан Республикасының Үкіметі **ҚАУЛЫ ЕТЕДІ:**

1. Қоса беріліп отырған Ғарышкерлікке кандидаттарды іріктеу және ғарышкерлікке кандидат, ғарышкер мәртебесін беру қағидалары бекітілсін.
2. Осы қаулы алғашқы ресми жарияланған күнінен бастап күнтізбелік он күн өткен соң қолданысқа енгізіледі.

<i>Премьер-Министрі</i>	<i>Қазақстан Республикасының</i>
	<i>К. Мәсімов</i>
Қазақстан	Республикасы
Үкіметінің	
2012 жылғы	20 сәуірдегі
№ 502 қаулысымен	
бекітілген	

Ғарышкерлікке кандидаттарды іріктеу және ғарышкерлікке кандидат, ғарышкер мәртебесін беру қағидалары

1. Жалпы ережелер

1. Осы Ғарышкерлікке кандидаттарды іріктеу және ғарышкерлікке кандидат, ғарышкер мәртебесін беру қағидалары (бұдан әрі – Қағидалар) «Ғарыш қызметі туралы» Қазақстан Республикасының 2012 жылғы 6 қаңтардағы Заңына сәйкес әзірленді және ғарышкерлікке кандидаттарды іріктеуді және ғарышкерлікке кандидат, ғарышкер мәртебесін беруді жүзеге асырудың тәртібін айқындайды.

2. Ғарышкерлікке кандидаттарды іріктеу тәртібі

2. Ғарышкерлікке кандидаттарды іріктеуді ғарыш қызметі саласындағы уәкілетті орган (бұдан әрі – уәкілетті орган) ағымдағы және перспективалық ұшқыш басқаратын бағдарламалардың қажеттіліктерінен туындайтын ұшқыш басқаратын ғарыш аппараттарының барлық типтерінде ұшуға дайындық үшін жүргізеді.

3. Ғарышкерлікке кандидаттарды іріктеуді ұйымдастыру және жүргізу үшін уәкілетті орган жанынан арнайы комиссия (бұдан әрі – Комиссия) құрылады. Комиссия туралы ережені және оның құрамын уәкілетті орган бекітеді. Комиссия ғарышкерлікке кандидаттарды іріктеуді жүргізу кезеңінде әрекет етеді.

4. Ғарышкерлікке кандидаттарды іріктеудің мерзімі, басталуы және аяқталуы жөніндегі шешім қабылдауды Комиссия жүзеге асырады.

5. Комиссияның құрамына ғарышкерлікке кандидаттарды іріктеуге қатысушы кірмейді.

6. Ғарышкерлікке кандидаттарды іріктеуге қатысушыға қойылатын талаптар:

1) ғарышкерлікке кандидаттарды іріктеуге қатысушы Қазақстан Республикасының жасы 18-ге толған және 40-тан аспаған азаматы болуы тиіс;

2) жоғары білімінің болуы.

7. Ғарышкерлікке кандидаттарды іріктеуге қатысуға:

1) осы Қағидалардың 6-тармағында белгіленген талаптарға сәйкес келмейтін;

2) заңды күшіне енген сот шешімімен іске қабілетсіз немесе іске қабілеті шектеліп деп танылған;

3) соттылығы заңда белгіленген тәртіппен өтелмеген немесе алып тасталмаған азаматтар жіберілмейді.

8. Комиссия осы Қағидаларға сәйкес бұқаралық ақпарат құралдарының баспа басылымдарында, сондай-ақ уәкілетті органның интернет-ресурсында ғарышкерлікке кандидаттарды іріктеу басталғанға дейін бір ай ішінде ғарышкерлікке кандидаттарды іріктеу туралы хабарландыру орналастыруды жүзеге асырады.

Ғарышкерлікке кандидаттарды іріктеуді жүргізу туралы хабарландыру мынадай мәліметтерді қамтуы тиіс:

1) ғарышкерлікке кандидаттарды іріктеудің жүргізілетін күні мен орны;

2) ғарышкерлікке кандидаттарды іріктеуге қатысушыларға қойылатын талаптар;

3) ғарышкерлікке кандидаттарды іріктеуге қатысу үшін құжаттар қабылдаудың басталған және аяқталған күні.

Ғарышкерлікке кандидаттарды іріктеуге қатысу үшін құжаттар қабылдау ғарышкерлікке кандидаттарды іріктеу басталған күнінен бастап күнтізбелік он

б е с к ү н ө т к е н с о ң а я қ т а л а д ы .

9. Ғарышкерлікке кандидаттарды іріктеуге қатысуға тілек білдірген азаматтардан құжаттар қабылдауды, тіркеуді және сақтауды уәкілетті орган жүзеге асырады. Ұсынылатын құжаттар осы Қағидалардың 10-тармағының талаптарына сәйкес келмеген кезде, ғарышкерлікке кандидаттарды іріктеуге қатысушыдан құжаттарды қабылдаудан бас тартылады және құжаттар пакеті қабылданғаннан кейін үш жұмыс күні ішінде жазбаша түрде дәлелді жауап б е р і л е д і .

10. Қажетті құжаттар тізбесі:

1) уәкілетті орган басшысының атына еркін нысанда жазылған өтініш;
2) осы Қағидалардың қосымшасына сәйкес нысан бойынша толтырылған с а у а л н а м а ;

3) т ү й і н д е м е ;

4) еркін нысанда жазылған өмірбаян;
5) жоғарғы білімі туралы құжаттардың нотариалды расталған көшірмелері;
6) Қазақстан Республикасы азаматының жеке куәлігінің көшірмесі;
7) № 086/У нысандағы медициналық анықтама;
8) психикалық ауруларының, нашакорлығының, маскүнемдігі мен уытқұмарлығының болмауы туралы анықтама.

11. Барлық құжаттар болған кезде, сондай-ақ осы Қағидалардың 6 және 7-тармақтарының талаптарына тұлға сәйкес келгенде, Комиссия құжат тапсырушы тұлғаның ғарышкерлікке кандидаттарды іріктеуге қатысу үшін жіберілгендігі туралы құжаттарды қабылдау аяқталған соң, бес жұмыс күні ішінде шешім қабылдайды. Тұлға осы Қағидалардың 6 және 7-тармақтарының талаптарына сәйкес келмеген жағдайда, Комиссия құжаттарды қабылдаудан шешім қабылдайды және уәкілетті орган тиісті шешім қабылдаған күнінен бастап үш жұмыс күні ішінде осы тұлғаға жазбаша түрде дәлелді жауап жібереді. Ғарышкерлікке кандидаттарды іріктеуге қатысуға жіберілген тұлғалардың тізімі Комиссия хаттамасымен бекітіледі.

12. Ғарышкерлікке кандидаттарды іріктеуге қатысуға жіберілген тұлғалардың тізімі бекітілгеннен кейін, Комиссия ғарышкерлікке кандидаттарды іріктеуге қатысушылар ұсынған құжаттарды зерделейді және күнтізбелік он күн ішінде қатысушылармен әңгімелесу өткізеді.

13. Комиссия қатысушылармен әңгімелесу жүргізген кезде ғарыш қызметі саласындағы Қазақстан Республикасының заңнамасын білуін тексереді, сондай-ақ қатысушылардың жалпы білім деңгейі мен білгірлігін айқындайды.

14. Комиссияның шешімі ашық дауыс беру арқылы Комиссия мүшелерінің жалпы санының жай көпшілік даусымен қабылданады. Дауыстар тең болған кезде Комиссия төрағасы берген дауыс шешуші болып табылады. Комиссия

отырысы Комиссия мүшелерінің жалпы санының кемінде үштен екісі қатысқанда
з а ң д ы д е п с а н а л а д ы .

Комиссия шешімі хаттама түрінде ресімделеді, оған Комиссияның барлық мүшелері мен Комиссия хатшысы қол қояды.

15. Ғарышкерлікке кандидаттарды іріктеуге қатысушыларды медициналық тексеруді уәкілетті органмен жасалған келісімшарттарға және келісімдерге сәйкес ғарышкерлерді даярлау орталықтары жүргізеді. Комиссия шешіміне негізделген уәкілетті органның жолдамасы оны жүргізу үшін негіздеме болып т а б ы л а д ы .

16. Іріктеу рәсімдері аяқталғаннан кейін Комиссия ғарышкерлікке кандидаттарды іріктеуге қатысушылармен жүргізілген әңгімелесу, медициналық тексеру нәтижелерін талдауды жүзеге асырады және ғарышкерлікке кандидаттарды іріктеу нәтижелері бойынша қорытындыны қабылдайды.

17. Уәкілетті орган Комиссия ұсынған қорытындыны күнтізбелік 5 күн ішінде қарайды және ғарышкерлікке кандидаттардың тізімін бекіту туралы шешім қ а б ы л д а й д ы .

18. Уәкілетті органның ғарышкерлікке іріктелген және ғарышкерлікке кандидаттарды іріктеу шарттарынан өтпеген кандидаттар бойынша шешімі уәкілетті органның интернет-ресурсында жарияланады.

Ғарышкерлікке кандидаттарды іріктеуден өткен, ғарышкерлікке кандидаттарды іріктеуге қатысушыларға күнтізбелік он күн ішінде уәкілетті орган бекіткен ғарышкерлікке кандидаттар тізімімен қоса хат жіберіледі. Ғарышкерлікке кандидаттарды іріктеуден өтпеген, ғарышкерлікке кандидаттарды іріктеуге қатысушыларға күнтізбелік он күн ішінде уәкілетті органның шешімінің хаттамасымен қоса дәлелді бас тарту жіберіледі.

3. Қазақстан Республикасының ғарышкерлігіне кандидат мәртебесін беру тәртібі

19. Қазақстан Республикасының ғарышкерлігіне кандидат мәртебесі уәкілетті органның ұсынуы бойынша Қазақстан Республикасы Үкіметінің шешімімен ғарышкерлікке кандидаттарды іріктеуден өткен және ғарышкер біліктілігін алу үшін даярлыққа жіберілген тұлғаларға беріледі.

20. Уәкілетті орган Қазақстан Республикасының Үкіметіне ғарышкерлікке кандидаттарды іріктеуден өткен және ғарышкерлер біліктілігін алу үшін даярлыққа жіберілген тұлғалар тізімін уәкілетті орган ғарышкерлікке кандидаттар тізімін бекіткен сәттен бастап бір ай ішінде Қазақстан Республикасының ғарышкерлігіне кандидат мәртебесін беру туралы ұсынысты Қазақстан Республикасының Үкіметі шешімінің тиісті жобасымен қоса ұсынады.

21. Қазақстан Республикасының Үкіметі Қазақстан Республикасының ғарышкерлігіне кандидат мәртебесін беру туралы ұсынысты Қазақстан Республикасының Үкіметі белгілеген Қазақстан Республикасы Үкіметінің регламентіне сәйкес қарайды және аталған тұлғаларға Қазақстан Республикасының ғарышкерлігіне кандидат мәртебесін беру туралы шешімді қ а б ы л д а й д ы .

22. Уәкілетті орган Қазақстан Республикасы Үкіметінің Қазақстан Республикасының ғарышкерлігіне кандидат мәртебесін беру туралы шешім қабылдаған сәттен бастап бір ай ішінде ғарышкерлікке кандидаттарды іріктеуден өткен тиісті тұлғаларға Қазақстан Республикасы Үкіметінің тиісті шешімі туралы хабарлайды.

4. Қазақстан Республикасының ғарышкері мәртебесін беру тәртібі

23. Қазақстан Республикасының азаматы Қазақстан Республикасының ғарышкері мәртебесін алу үшін уәкілетті органға мынадай құжаттарды:

1) Қазақстан Республикасының ғарышкері мәртебесін беру туралы еркін н ы с а н д а ж а з ы л ғ а н ө т і н і ш т і ;

2) ғарышкердің біліктілігін куәландыратын нотариалды расталған құжаттың к ө ш і р м е с і н ұ с ы н у ы қ а ж е т .

24. Қазақстан Республикасының ғарышкері мәртебесі Қазақстан Республикасы Үкіметінің шешімімен, уәкілетті органның ұсынысы бойынша ғарышкерлерді даярлау орталықтарында жалпы ғарыштық даярлау курстарын аяқтағандығы жөнінде ғарышкер куәлігін алған Қазақстан Республикасының а з а м а т т а р ы н а б е р і л е д і .

Уәкілетті орган Қазақстан Республикасы ғарышкерлерінің қажетті санын ағымдағы және перспективалық ұшқыш басқаратын бағдарламалардың қажеттілігі негізінде ұшқыш басқаратын ғарыш аппараттарының барлық типтерінде ұшуға дайындық үшін қарайды және белгілейді.

25. Уәкілетті орган Қазақстан Республикасының азаматынан өтінішті алған сәттен бастап күнтізбелік он бес күн ішінде Қазақстан Республикасы Үкіметінің тиісті шешімінің жобасымен қоса, оған Қазақстан Республикасының ғарышкері мәртебесін беру туралы Қазақстан Республикасының Үкіметіне ұсыныс енгізеді.

26. Қазақстан Республикасының Үкіметі Қазақстан Республикасының Үкіметі белгілеген Қазақстан Республикасы Үкіметінің регламентіне сәйкес Қазақстан Республикасының ғарышкері мәртебесін беру туралы ұсынысты қарайды және аталған тұлғаға Қазақстан Республикасының ғарышкері мәртебесін беру туралы ш е ш і м қ а б ы л д а й д ы .

27. Уәкілетті орган Қазақстан Республикасы Үкіметінің Қазақстан

Республикасының ғарышкері мәртебесін беру туралы шешім қабылдаған сәттен бастап бір ай ішінде аталған тұлғаға Қазақстан Республикасы Үкіметінің тиісті шешімі туралы хабарлайды.

Ғарышкерлікке кандидаттарды іріктеу
және ғарышкерлікке кандидат,
ғарышкер мәртебесін беру
қағидаларына қосымша

ҒАРЫШКЕРЛІККЕ КАНДИДАТТЫҢ САУАЛНАМАСЫ

3 х 4

фото

1. Тегі, аты, әкесінің аты: _____

бұрын басқа тегі, аты, әкесінің аты болған жағдайда оларды, оларды қашан және қайда ауыстырғандығы туралы жазу

2. Туған күні, айы, жылы _____

3. Жынысы _____

4. Туған жері _____

республика, өлке, облыс, елді мекен

5. Тұрғылықты (тіркелген) жері _____

индекс, республика, өлке, облыс,

_____ елді мекен, көше, үй, корпус, пәтер, телефон

6. Азаматтығы _____ Егер осымен қатар

басқа елдің азаматтығын иемденген болса, қай ел екендігі туралы жазу

7. Негізгі құжат, жеке куәлігі, Қазақстан Республикасы азаматының паспорты
сериясы _____ нөмірі _____ «__» _____ 20__ жылы берілді

_____ кім бергені көрсетілсін

8. Ғарышкерлер жасағына кіру мақсаты _____

9. Білімі: _____

10. Жұмыстағы кезеңіңізде (оқудағы, қызметтегі) мемлекеттік
құпияларға жатқызылған аса маңызды немесе аса құпия мәліметтерге

**ӨТІНІШТЕ ЖАЛҒАН МӘЛІМЕТТЕР ЖАЗҒАНЫМ НЕМЕСЕ ҚОЛДАН
Ж А С А Н Д Ы**

**ҚҰЖАТТАР ҰСЫНҒАНЫМ ҮШІН ЗАҢНАМАДА БЕЛГІЛЕНГЕН
Ж А У А П К Е Р Ш І Л І К К Е**

ТАРТЫЛАТЫНДЫҒЫМ ТУРАЛЫ ЕСКЕРТІЛДІМ

20 жылғы « »

(өтініш берушінің қолы)
